

水

經

卷

之

一

上

《續修四庫全書》編纂委員會編

續修四庫全書

上海古籍出版社

六五四・史部・地理類

〔光緒〕重修安徽通志三百五十卷補遺十卷（卷二百二十四至卷二百九十四）〔清〕沈葆楨

吳坤修等修 何紹基 楊沂孫等纂

2672/03

〔光緒〕重修安徽通志四

〔清〕

沈葆楨
吳坤修
等修
何紹基
楊沂孫
等纂

據清光緒四年刻本
影印原書版框高二二
五毫米寬二九四毫米

重修安徽通志卷二百二十四

人物志

文苑三

徽州府

唐吳少微新安人進士擢第初尉晉陽與武功富嘉謨同官有魏郡谷倚者為太原主簿並負文辭時稱北京三傑時天下文章尚徐庾體少微嘉謨本之經術雅厚雄邁人爭慕之號富吳體少微官監察御史臥疾聞嘉謨亡投枕而起號哭賦詩既病亟尋卒著文集五卷子輩開元中為中書舍人舊唐書富嘉謨傳

皇甫湜字持正新安人擢進士第為陸渾尉仕至工部郎中求分司東都裴度辟為判官度修福先寺求文於白居易湜怒曰近舍湜而遠取居易請從此辭度謝之湜即請斗酒飲酣援筆立就度贈以車馬綵綵甚厚湜大怒曰自吾為顧況集序未嘗許人今碑字三千字三緣何遇我薄耶度笑曰不羈之才也從而酬之唐書韓愈傳

唐書湜睦州新安人也按徽州府唐之歙州新安郡此明云睦州則非徽州府人矣睦州之新安縣後改青溪今嚴州府之清安修睦

王希羽歙州人天復元年登第年七十餘與曹松等號五老榜特授教正唐詩紀事

汪台符歙縣人有匡王定霸之才徐知誥鎮金陵上書陳民間九患及利害十餘條為宋齊邱所沮台符貽書謂之齊邱慚怒密使人誘其乘舟痛飲至石頭蚬磯下沈之後知誥頗行其

法及南唐昇元中限田均輸征稅等政皆用其言一統志十卷宋舒雅字子正歙縣人南唐保大時隨計金陵獻所業於韓熙載熙載知貢舉擢雅高第入宋為將作監丞後充祕閣校理與吳淑齊名累遷職方員外郎出知舒州州之潛山靈仙觀有神仙勝迹即請掌觀事東封就加主客郎中改直昭文館卒年七十餘著有山海經圖若干卷弟雄端拱二年進士官至禮部尚書宋史吳淑傳

呂文仲字子臧歙縣人父裕南唐錄事參軍文仲舉南唐進士累遷大理評事入宋歷少府監預修太平御覽廣記文苑英華改著作佐郎太宗每御便殿觀古碑刻輒召文仲與舒雅等讀之初副王著使高麗復命改左正言巡撫福建後有使高麗必詢其出處潛化中兼闕西巡撫時內品方保吉專幹權酷指克甚眾文仲具奏其實反為保吉所訟誣伏罷職既而太宗知其由復令直祕閣咸平三年充翰林侍讀學士受詔集太宗歌詩為三十卷詔書加獎六年授御史中丞景德中轉曹州奸民趙諫獄多所全活後改刑部侍郎充集賢院學士著有文集十卷卒錄其子承為奉禮郎宋史

蕭冠卿字長儒歙縣人大中祥符五年進士授連州軍事推官召試學士院校勘館閣書籍為集賢校理言天下旬奏獄雖皆杖並覆而徒流不繫獄者遇不以聞非所以矜慎刑罰之意從之翰林侍讀學士馮元修大樂命冠卿校閱事跡又預撰景祐廣樂記奉使契丹其主謂曰嘗觀所著新集詞極清麗因自擊毬縱飲命冠卿賦詩禮遇甚厚還為翰林學士進讀春秋必引尊王黜霸之義告歸拜親至揚州卒有斬春集十卷詔以其

重修安徽通志

卷二百二十四

人物志

文苑

徽州府

弟世卿通判宣州宋史本傳

胡仲字彥時婺源人與汪藻齊名時人語曰胡仲汪藻江左二

寶登紹聖四年進士累官著作佐郎與修神宗日歷及禮書後

知無為軍有德政繪其像於學宮有尚書注行世從兄侃崇寧

進士歷官辰建通判與仲及諸從唱和有胡氏棣華集宋史汪藻傳

汪藻字彥章婺源人寓居饒州崇寧二年進士除九域圖志所

編修官遷著作佐郎與王黼不合出判宣州高宗立召試中書

舍人復為黃潛善所惡而免明年召拜翰林學士帝以所御白

團扇親書紫詰仍兼給黃麻似六經十字以賜屬時多事詔令

類出其手出知湖州乞表章顏真卿詔賜廟額忠烈又言二十

年無復日歷乞訪求故家文書纂集元符庚辰以來詔旨為備

重修安徽通志卷三百四十四人物志 文苑 徽州府

詔可尋以事免中廢後以范冲言詔賜史館修撰錢聽辟屬

編類成書六百六十五卷上之升顯謨學士賜茶藥尋知徽州

徙宣州忤秦檜罷職居永州二十四年卒徽宗實錄成以所取

藻書十有七八詔贈端明殿學士著有浮溪集六十卷青唐錄

三卷宋史本傳

胡仔字元任績溪人以父舜陟蔭補將仕郎少無宦情畱心吟

咏中年罹於憂患杜門若溪著有漁隱叢話六十卷復為後集

四十卷自序其書繼阮閱詩話總龜而作實遠出閱書上也後

知晉陵縣未赴卒四庫全書提要

王昺字偉文婺源人宣化開知吉州好義自雄讀書敏疾著有

雲品集中興要務史評江南通志

滕愷字南夫婺源人紹興五年進士調信州司戶參軍早卒朱

子稱其才智傑然遠過流輩不幸短命死遺文十不存一甚可

惜也朱子文集

張敦頤字養正婺源人紹興進士為南劍州教授與朱松友善

後倅宣城攝郡事著有編年六朝事蹟衡陽圖志江南通志

宋松年字德操休甯人紹興八年進士嗜史學於唐書尤勤

歷信州錄事參軍即官所結閣網羅百氏關於唐者萃焉名其

閣曰細書證疑刊誤書成將進於上而卒萬姓統譜

程令說字彥舉休甯人紹興二十七年進士歷知理定縣著有

茅堂詩集子穆人上庠嘗著書約義書博文鄭清之丞相為之

序徽州府志

陳向文字質夫休甯人與兄倚忠同登紹興二十一年進士尙

文以杜鵑詩得名號陳杜鵑著有漫翁集徽州府志

重修安徽通志卷三百四十四人物志 文苑 徽州府

羅頌字端規歙縣人以父汝楫蔭歷官知鄧州簡易廉明獄無

冤滯號羅佛子卒於官邦人巷哭所著有徇菴集徽州府志

羅頌字端良頌之弟七歲為青草賦以壽其父稍長落筆萬言

既冠乃數月不妄下一語登乾道二年進士以南劍州守陞辭

孝宗大賞異俾易鄂州博學好古朱子謂其文有經緯著有爾

雅翼新安志鄂州小集其知鄂州政甚善嘗自言之卒年四十

餘弟頌初議娶汪若谷女女忽有痼疾若容請別議頌不可卒

娶之疾亦愈頌歷官朝散大夫通判蘄州宋史羅汝楫傳

方恬字元養歙縣人乾道五年試禮部第一歷官太學博士貫

穿經史務為可用著有正論十篇機策三篇皆切中時病傳於

世徽州府志

江雄圖字思遠休甯人清熙十一年進士歷建昌軍教授所居據平坡植李四方學者築室其旁號李頓先生所著有李頓集

徽州府志

程標字伯文婺源人問業朱子與張南軒等遊不事舉業篤志學問清熙丙子歲歙郡居民嘯聚標往諭之皆解散著有原

化論深達性命之旨又纂集先聖格言自號翠林逸民

程瑤字懷古休甯人紹熙四年進士知當陽縣代者以邑豪名

授瑤瑤不觀曰吾未欲知名使聞而改過足矣歷樞密院編修

官遷秘書監出為江東轉運判官陸辭帝曰程瑤豈可容其補

外遂復舊職帝常畱意筆札瑤言太宗畱心詞翰在借國削平

之後真宗銳情文墨在澶淵卻敵之餘上為悚然甯宗崩以定

策功封休甯縣男進封伯又進新安郡侯以端明殿學士致仕

重修安徽通志卷三十四人物志文苑五徽州府

卒年七十有九贈特進少師著有泊水集三十卷

汪儀鳳字祥甫歙縣人師事程元鳳兩中江東漕試又連中浙

漕以薦賜文學出身為丁太全所陰中而罷買似道嘗以治詩

納交為仲前奏度宗即位議以史館處之謝不願遂以通直郎

致仕卒著有山泉類稿四十二卷

吳白牧字益謙歙縣人嘉定中以鄉薦為郡學正所著有講義

史評雜著數百篇

吳遇龍字子雲婺源人紹興五年進士歷官太學博士與方岳

程元鳳齊名號新安三博士又與江萬里何子舉陳松龍為易

義四英子覺字孔昭以易世其家官宣城令著有易旨疏釋

吳屋字基仲休甯人私淑考亭之學黨事起所志不移著有自

志

勝齋集子錫時字元倫研精理學所居藝蘭以自況著有蘭舉

集

祝穆字和父歙縣人與弟癸同事朱子於雲谷著有事文類集

方其時覽子洙寶祐進士景定中為涵江書院山長嘗注四書

集注附錄宰執取其書以進授太學博士

吳觀萬字亨壽休甯人篤尚朱子之學著潮說夏小正辨閏月

定四時成歲講義皆擴前人所未發

章元崇字德昂歙縣人博通諸經尤長於春秋著有蟹螯集仕

終奉議郎

夏達材字行可休甯人清祐丙午中浙省第一著有圖南課蘭

晚斐作子宏毅著有放翁集

鮑雲龍字景翔歙縣人性孝母病祝天求代嘗偕同里鄭邑將

重修安徽通志卷三十四人物志文苑六徽州府

入棘闈邑卒雲龍不入試傾資護其喪歸至次舉乃領鄉薦所

著天原發微又有大月令筮草研幾諸書

元汪夢斗字以南績溪人宋景定初魁江東漕試歷官史館編

校與葉李等上書論買似道誤國斥歸入元以薦為將仕郎教

授本郡所著有雲開集北遊集

方回字萬里歙縣人宋景定元年由省元登第歷安吉州通判

上書論買似道罪有十可斬出知建德府入元改嘉議大夫授

建德路總管致仕著有碧流集桐江集讀易釋疑尚書考儀禮

考瀛奎律隨名僧詩話宋季雜傳等書凡數十種

曹涇字清甫休甯人宋咸淳戊辰進士授昌化簿馬端臨嘗師

事之入元為紫陽書院山長所著有詩彩書彙文彙韻彙儷彙

三

〔光緒〕重修安徽通志 卷二二四

服膺錄泣血錄過庭錄讀書記管見雜記家錄等書子仲堃著

有通鑑日纂詩文講義江南通志 徽州府志

程文字以文發源人以奎章閣生與修經世大典仕至禮部員

外郎著有盛雷小稿夥南生集徽州府志

洪焱祖字潛夫歙縣人官衢州路教授建廟學改迷昌簿以休

甯縣尹致仕爲文根極理要而超然遊意於語言之表詩有石

湖劍南風格非江湖末派所及著有新安續志爾雅雅音義杏

亭摘稿四庫全書提要 江南通志

唐元字長孺歙縣人與洪焱祖命趙老號新安三俊奉定開仕

徽州路教授著有易傳義大意十卷見聞錄二十條詩文五十

卷徽州府志

潘榮字伯誠婺源人學長於史嘗著通鑑總論反覆數千言括

重修安徽通志卷三百二十四人物志文苑七徽州府

盡古今興亡大要又集蘇句百篇危素爲之贊學者稱節齋先

生江南通志 徽州府志

汪洪卿字景良黟縣人歷官翰林國史編修官尊修撰在翰苑

十年凡中朝討論典故眾不能識者叩之無不立應著有詩文

二十卷江南通志

程鼎新字燁文婺源人官京學教諭著有隨筆稿學稿復稿管

見講義等書同邑俞皋字心遠著有春秋釋義吳澄序之又有

趙然明者字勉耘歷松江府判著意言圖辨五十卷徽州府志

舒頤字道原績溪人工詩文善隸書官台州路學正著有貞素

齋集八卷附錄一卷北莊遺稿一卷四庫全書提要

國朝道光二十五年祀鄉賢祠胡在田縣志補正

可紹字致和婺源人精通易學性尤孝友一門四世雍穆可

風建孝則堂以奉祖禰因號孝則居士嘗著孝經刊誤及詩集

若干卷子達道遺亂不仕著歷年紀實及孝則堂家教輯錄三

卷徽州府志

明鄭潛字彥昭歙縣人有學行以詩名元末仕爲泉州路總管

入明官潞州同知著有白沙稿檇菴集子桓字居正洪武中以

明經歷官河南左參政永樂時坐方黨被逮死著有閩南集關

隴行稿歸來稿隨稿檇菴稿江南通志 徽州府志

唐仲實名桂芳以字行歙縣人太祖至歙召見首問平天下要

道以不嗜殺人對太祖大悅因力陳築城之苦即罷役著有武

夷小槩白雲集略江南通志

汪仲魯名敬以字行婺源人元末與弟同集義旅保鄉邑明興

歸附同爲張士誠所殺乃授徽安慶稅令召見講西伯戡黎篇

重修安徽通志卷三百二十四人物志文苑八徽州府

授左春坊左司直命續薰風自南來詩稱旨請春夏停決死罪

體天地生物之仁從之徵敦實閒靜不妄言笑及進講遇事敢

言帝以善人呼之與劉三吾朱善稱三老明史劉三吾傳

姚種字叔器歙縣人元季官太平教授賊侵徽饒種上十策參

政董搏香薦之朝不就太祖至徽與唐仲實同召見所著有鳳

池山房集江南通志

汪有訓休甯人家貧力學著有周易句解尚書論語孟子注同

邑吳彬陳樸甥也與弟顯同學於樸並有名所著有性理問答

徽州府志

詹同字同文初名書婺源人虞集見其才以弟女妻之元至正

中舉茂才異等除郴州學正太祖下武昌召爲國子博士賜名

同議給祿用同言歷官吏部尚書兼學士承旨與樂韶鳳定釋

莫樂章請編日歷與朱濂為總裁官又做貞觀政要分輯聖政為寶訓著有海涓集天衢吟嘯集子微字資善洪武中舉秀才官至太子少保吏部尚書坐藍黨死明史本傳

朱同休甯人升之子洪武中舉明經官至禮部右侍郎所著有覆瓿集明史朱升傳

金居敬字元忠休甯人從朱升趙訪遊所著有通鑑綱目凡例考異春秋五論江南書

汪洗字彥暉休甯人從朱升趙訪汪敏游有遺稿藏於家曾孫仲和年少即往貴州代兄仲剛戍邊都勻寇亂官軍禦之仲和堡僅百人寇入堅立不去罵賊而死元孫神驚克世其學著有

穢穢學仙二藥又編新安汪氏文獻錄昭服編徽州府志

金德珪字仁本休甯人蒐訪先達遺書三十餘種編新安文集重修安徽通志卷三百二十四 人物志 文苑 九 徽州府

十卷又著道統源流程朱氏錄小四書音釋等書同邑蘇大字景元著有張天集所編有新安文粹明雅音行世又婺源游芳

者字蘭仲亦編明雅音三十卷其所著有講斷集初月梅軒集徽州府志

吳遜字以恭歙縣人精易理善詩文著有可筠稿曾孫熙講學斗山王畿甚器重之江南通志

程孟字文質歙縣人鮑甯著天原發微辨正創圖布規辨詰疑義孟力居多著有槐瀨集同邑周源誠字彥明嘗作春王正月

辨及先天圖太極圖河圖洛書論徽州府志

程敏政字克勤休甯人十歲以神童薦英宗召試悅之詔讀書翰林院成化丙戌第二人及第授編修歷左諭德直講東宮孝宗嗣位以宮僚恩擢少詹事兼侍講學士視學稽田儀注皆命

銓定進講經筵呼先生而不名承詔議從祀孔廟諸賢考據確以誣罷歸起為禮部右侍郎與李東陽同主會試舉人唐寅徐經預作文與試題合給事華景劾敏政題詔東陽會同考官復校二人不在所取景雖以言事不實左遷而敏政亦勒致仕未行而卒贈禮部尚書著有道一編纂墩文集行素彙類編

明文衡宋紀受終考瀛賢奏對錄新安文獻志朱逸民錄訂正儀禮逸經禮經補逸諸書明史本傳

程質字文夫婺源人宏治初與修憲宗實錄著有南峯小葉文獻錄及編星源志同時汪顯德程復汪珠皆祁門人並徵修憲

宗實錄顯德所著有梅峯小稿復有柏巖明善稿瑒有大學復古錄祁間雜詠續稿梅花百詠春雨軒稿徽州府志

江銓字元衡婺源人不事科舉之習聞王守仁倡道遂往見之重修安徽通志卷三百二十四 人物志 文苑 十 徽州府

上下其論與邑令曾忭參定諭俗禮要著有原學大學論正性學辨微桂山撫稿徽州府志

畢翰字伯羽休甯人得王守仁傳習錄即走書問喜怒哀樂未發之中守仁約與面質疾不果所著有性學衍義歷鑑知新保和諸書徽州府志

方星字文奎祁門人宏治中以貢官漳浦教諭督學邵銳以漳春秋少師承聚七學之俊令星教之後以春秋登甲第者數十

祀名宦徽州府志

胡琪字廷亨婺源人一意儒行不以勢利經心所著有克己正家錄易傳纂要五贊通釋同邑方純仁字時勉以舉人官鄱縣

教諭歷郎陽同知天文兵律皆能通究著有原人原性及律呂折衷等書又有游述者字以禮為文根極理藪著有四書說銓

晉化通史風化小補字林便覽詠史小學纂釋文要諸書徽州府志

唐皋字守之歙縣人正德甲戌進士第一授修撰與修武宗實錄進侍講學士未幾卒於官舉老於場屋暮年始登上第每爲文下筆立就或求鼠易字句伸筆疾書不輟一字人咸服其才

所著有心菴文集史鑑會編韻府增定諸書一統志

汪尙甫字廷德歙縣人嘉靖己丑進士累官右副都御史所歷有善政著有周潭集廣資錄四書晚鈔事物圖說續修新安郡志等書徽州府志

余世儒字汝爲婺源人年八歲一日兩試瑞麥賦詞無複者年十六領嘉靖甲午鄉薦歷知瑞安南康兩縣擢知合州謝病歸

著有幼學彙未信稟破蟋蟀集瑞安南康皆祀名宦徽州府志

謝陞字少連歙縣人嘗宗朱子帝蜀之意作季漢書以蜀承正

重修安徽通志卷二十四人物志 文苑 士 徽州府

統而列魏吳爲世家新城王貽上論正史外更有史如兩漢書有荀悅袁宏漢記三國志又有謝陞季漢書其推重若此陞所著又有正論五篇答問二十篇江南通志

汪思敬字養浩祁門人侍郎楊甯薦之朝不赴著有易學象數舉隅周易傳通釋學史管見江南通志按藝文易學象數

余光字晦之祁門人明史嘉靖壬辰進士授大理評事擢御史出按廣東安南莫登庸篡黎氏詔毛伯溫討之光上疏言黎氏在陳氏爲賊子在我朝爲亂魁今天或假手登庸以報之自宋以來丁移於李李奪於陳陳篡於黎今黎又轉於莫臣請遣官責其修貢道里懸遠恐失事機乞令臣便宜行事帝以疏中引五季六朝事下之兵部咎光輕率奪其俸無何光進鄉試錄嚴嵩摘其誤被逮削籍光有請輔導太子疏又曾獻兩京賦命

付史館明史潘珍傳

吳子玉字瑞敷休甯人童年好學過目成誦應聘修纂有白岳志郡志金陵人物志中立四子集更定名世文宗韻學大成碩輔寶鑑及郡志各祠記譜牒多出其手所自著有瑞敷詩文二集十二論茗州吳氏家記數百卷晚應萬歷開貢授應天訓導

薦入史館江南通志

張孟元字正甫績溪人爲文自成一家嘉靖時應貢不就銓著有借景和古吾廬集書經提要等書予一夔亦以文名徽州府志

王獻璽字德忠歙縣人自少有志聖賢之學博覽墳典尤研心於三傳著有論說多所發明徽州府志

程誥字自邑歙縣人徧遊名山過大梁謁李夢陽一見如舊識著有震城集二十四卷同邑鄭作字宜述以詩受知於李夢陽

何景明與程誥齊名而豪逸過之著有方山集又有余存修者游於汴自周藩而下靡不敬禮著有缶音集夢陽爲序而傳之子育著潛蚪山人集十卷藝牆集四卷徽州府志

江瓘字民瑩歙縣人徧遊武夷匡廬諸名山皆有記詠著有山人集徽州府志

周頌字德音績溪人丁內外艱皆廬墓三年嘉靖中以貢授蒲臺訓導當道稱爲教官第一祀名宦學者稱光霽先生著有四子講意光霽集又思亭集林泉嘉會集急流勇退集江南通志

張振德字覺之祁門人聞謝一墩講學悅之即棄諸生集同志舉郡會又舉徵甯池饒四郡大會每歲暮春舉於四郡之中至老不倦及卒門人私謚曰敦毅先生著有語錄會紀徽州府志

汪大倫字叔敬婺源人嘉靖中官永豐教職作周易貫說以訓

重修安徽通志卷三十三人物志 文苑 士 徽州府

諸生會盜起學宮在城外有勸入城者答曰當與先師廟為存亡既而盜不至又著有北上紀程亦樂堂稿擊缶集等書

江應曉字覺卿歙縣人以貢通判涪州厭苦簿書歸就駐蹕山

築室博覽羣籍著有對問編纂集學者稱山城先生

江來岷字本初歙縣人以舉人知黟縣平藍寇足楚藩鵲洲之

代直指作朱陵洞天碑為時所稱祀南嶽製迎神送神之曲至

今歌之詩文與汪道昆王世貞相頡頏著有桃源集

潘緯字仲文歙縣人官中書舍人工為詩攻苦精思擺落凡近

管賦瑞蓮詩三十餘章意無復者性尤好義以無子買妾遇露

女完適者即以金遺之不復娶

吳士奇字無奇歙縣人萬歷壬辰進士知甯化縣歷南戶部郎

重修安徽通志卷三十四人物志文苑

中督學四川作三箴五要訓率嚴正累擢湖廣右布政使嚴奸

胥盜帝至十七萬有奇入為太常卿以拒魏奄致仕著有三祀

志史裁攷信編徵信編綠滋館稿又有明副書一百卷

胡尚英字超凡歙縣人萬歷己未進士選庶常主者稱其文為

陸費後身歷官南祭酒移官詹著有學錄吟起凡集詞林記

李流芳字長蘅歙縣人萬歷丙午舉人絕意仕進寓居嘉定工

詩善書尤精繪事謝三賓知亭定合唐時升妻堅程嘉燧及流

芳詩刻之曰四先生集

程嘉燧字孟陽休甯人僑居嘉興精音律工書畫詩尤名世人

長安公卿貴人爭友之晉有松園閣集

重修安徽通志卷三十四人物志文苑

詹惟修字六宏婺源諸生博學好古著有尚書代言左氏摘覽

史記拔奇漢書哀膽六朝文贈秦漢精華聖製難疏及樂府共

百餘卷

詹軫光字君衡婺源人萬歷己卯舉人公車北上時臥定向議

道金陵遂止不行留受業集其相印可語為天關證學錄後任

亳州學正歷升平樂知府解組歸著有清隱山書前門白門草

浮海寓言百八箴聖凡釋諸陽春別墅錄狂夫言等書

程一枝字仲木休甯諸生博習羣書著有青黎閣草史銓漢銓

郭大事記補程典同邑汪士魁字伯倫庠生著有易約說易衷

旨四書衷

汪道貫字仲淹歙縣人進昆弟也布政使江珍與道昆交而心

重道貫從弟道會字仲嘉與道貫齊名時稱二仲中貴劉朝用

重修安徽通志卷三十四人物志文苑

聞名欲見辭不往礦事興朝用至新安羣邪翼之議伐家夷居

人心惶懼道會乃往說之朝用喜遂散其黨還金陵著有小山

樓稿二仲集行世

詹景鳳字東圖休甯人隆慶丁卯舉人歷官南吏部司務諱保

甯教授奇益部山川輶車周覽題詠幾徧升平樂通判卒於官

人稱其癖如倪元禎博如梁民懌書如祝希哲畫如文徵仲著

有西遊稿性理小辨畫苑字林等書

潘之恆字景升歙縣人汪道昆舉白榆社之恆以少雋與焉工

詩歌恣情山水著有鷺鳴集平生所遊隨得隨記凡成新安越

中三吳江上諸山水志若干卷

吳兆字非熊休甯人少喜為傳奇詞曲既而棄去刻意為歌詩

曹能始雅愛之偕遊名山後卒於粵論者謂其詩與能始同調

而意新理恆實爲過之著金陵廣陵姑蘇豫章諸稿一稿

丁惟瞻字以舒休甯人著有管澤集齊雲山志丁惟曜字正白

著有海陽山水志徽州府志

凌立字爾三歙縣人事繼母盡孝食而嗜書遇未見者至解衣

鬻之著有六經流別國朝典故孝經大義疑同集削疑錄異字

鏡自怡別錄華影集臥遊錄夢覺編煮字齋集徽州府志

唐世典字崇堯歙縣庠生有鄉貴欲於郡學官牆穿一私門自

便世典力爭之鄉貴不能奪也著有春秋講意同邑程敬字孟

陽庠生篤於孝友著有讀禮表微耽竿稿程氏繩武集聞範集徽州府志

查應光字賓王休甯人萬歷丁酉舉人崇禎時巡按劉令譽張

煊堂薦於朝適疾卒著有陶瓶集麗崎軒集所輯有羣書纂新

重修安徽志二十四人物志 文苑 五 徽州府

史殿象錄等書子維衡性孝友應光病腦醫言虎肚可愈維衡

訪主繁昌始得之父果愈次子維鼎工詩文善爲文章徽州府志

陳履祥字光庭祁門人得盱江之傳萬歷開倡教宛陵聚講於

同仁會館及門常數百人江南通志 舊志 甯國府志

江彥明字晏其婺源副貢著有五經圖考詩經箋疏四書約言

諸史彙鈔及天文地理陰陽卜筮諸書刪訂成編加以疏論共

八十餘卷徽州府志

余養元字食其婺源諸生淹貫經史百家著有貨殖傳秣陵集

今言詩文遺稿弟羨元字不其亦以詩文名著有山房斧藻三

天子郭紀遊諸作時稱星江兩其云徽州府志

羅捧口字爾升徽州諸生明季寄居無爲通天文地理術數之

學善詩尤工於詞卒葬桃花嶺徽州府志 舊志 廬州府志 新修

重修安徽通志卷二百二十五

人物志

文苑 四

徽州府

國朝汪瑤光字文岫歙縣人順治十八年提督張天祿延入幕著

有東遊草又有五臺遊草香林草趨庭紀聞讀書隨筆江南通志

羅逸字遠遊歙縣人工詩家貧道有遺金自旦守至暮還其人

著有亘史補十二卷行世徽州府志

吳山濤字岱觀歙縣人前明崇禎己卯舉人後知成縣秦撫以

縱情詩酒糾罷其官遊遊塞外著有西塞詩以書畫自娛卒年

八十二徽州府志

吳綺字蘭次歙縣人順治中拔貢歷官湖州知府工詩詞尤喜

重修安徽通志卷二百二十五 人物志 文苑 十 徽州府

駟體著有亭皋集藝香詞六懷詞林蕙堂集同邑汪舟康熙戊

午舉人著有岸舫詩阮溪柳塘諸詩行世一統志 徽州府志

鄭畋字慕倩歙縣人嘗輯杜詩箋注尤嗜理學有拜經齋致道

堂正己居等集復善山水及字學徽州府志

許楚字芳城歙縣人明亡跳身吳越閒後坐鄱陽累執赴皖城

慷慨陳詞得釋及歸杜門著書有青巖文集南村草堂集遺民

集新安外紀藝文幸存錄士窮錄廣輿記補諸書江南通志

詹紹慶字本修婺源人研究心性之旨兼肆力於古學子養沈

已登進士選庶常猶授徒自給著有三經整三疑編左凡印可

正續編大麓野鈔百餘卷徽州府志

俞塞字吾體婺源人性孤介不輕受人一錢不妄交一人後遂

改姓獨孤以見志著有易癖詩起四書心話理學資深錄諸書

徽州府志

汪大業字簡宣婺源人前明崇禎壬午副貢詩古文詞皆自成一家言著有四書覽路四書要旨學庸表注學庸圖說易經析義等書徽州府志

王汝謙字然明歙縣人爲人任鄙分宅指困移居武林招集勝流爲湖山詩酒之會江南通志

姚允明字汝服休甯人博極羣書質問古今輒口成誦著有史書十卷倣春秋用法以編年兼論斷爲世所珍江南通志

程宏志字聖木歙縣人築符庭以藏書著有綱目管測史匯黃山志同邑貢生汪濟瀄字公龐與宏志友善館於符庭著有史測脈望公集黃山志諸書徽州府志

程思聰字謀伯歙縣諸生讀書不屑章句日與其徒闡明格致重修安徽通志卷三十五人物志 文苑 二 徽州府志

之義著述甚多詩尤純古著有鈍人萍問徽州府志汪士漢字闇然婺源歲貢著有四書傳旨易經集解古今記林祖書存餘集古山房文集徽州府志

汪浦勳字廣淵歙縣人康熙丁未進士授中書卒於官初溥勳領順治丁酉鄉薦物論紛然

臨軒親試以詩賦序辨說制藝表判策論人皆股栗溥勳疾書以進拔置第一己亥再試考置第六是年會試不第傳臚之日

令傳呼江南舉人汪溥勳者再時論惜之徽州府志張膽字貢赤休甯人隱影之天潛山當合今古文而選其精者

曰文統定傳合二十一史而刪其謬者曰治統定傳合古今聖賢及諸儒先書而輯其要者曰道統定傳又有古今十大疑辨一書晚年遭兵火復補輯三統大略及批選韓蘇文尤二卷其

〔光緒〕重修安徽通志 卷二二五

友汪有光字謙子影縣人與膽講道石林有批點孟子檀弓著有讀史碎言薛荔集影山水記江南通志

汪洪度字子鼎歙縣人好學通經著有新安大好山水志新安節烈志及息廬詩其黃山新安江諸作最爲名流所賞江南通志

程謙字抑若徽州人順治中徙居繁昌義橋於天文奇門堪輿精研其奧尤工詩著有繫桐錄黃山樵吟行野逸吟內外譜諸書太平府志 舊志太 平府流寓 新移

方式玉字玉如歙縣人工詩善畫順治中以貢授鹿城訓導時鹿城雅樂盡缺式玉修舉之刊爲圖盡如闕里所著有涉江草醉翁石照詩稿江南通志 按二詩見藝文補城方式玉

吳啟元字青霞休甯人少孤嗜學工詩好遊覽名勝以助其興所著有秀濯堂詩集江南通志

重修安徽通志卷三十五人物志 文苑 三 徽州府志汪灝字紫滄休甯人康熙壬午以獻賦

召入內廷癸未賜進士第授編修總武英殿纂修事與修御選唐詩佩文韻府方輿路程月令廣義韻府拾遺物類輯古略廣羣芳譜諸書所著有知本堂詩文稿江南通志 休甯縣志

宋和字介山歙縣人年三十始讀書爲古文四十學大就入都先後爲韓荃陳鵬年孫勳所激賞謂非唐以下之文也詩亦古茂王相國拔年八十索撰壽序辭不能書授曰第欲君集中有此文耳居京師墮巷中杜門著書貧不能歸遂卒於旅邸所著有雪晴軒集江南通志

吳度字叔子歙縣拔貢著有竹田集山茨璣諸俗語通琴言竹譜補遺郡志四考徽州府志

九

方啟大字裕昆歙縣人兼通六經著有孝經全書全孝圖說孝傳孝經詠旨正孝錄正學錄墨淚蘭詩諸書徽州府志

江蕃字宣子婺源人康熙甲辰進士初以順治丁酉舉順天鄉試會場屋被蜚語

上臨軒覆試諸生震慄蕃獨伸紙疾書風發泉湧拔第二家居謙抑喜開導後進著有驚旃詩文集婺源縣志

李彭庚字又篋婺源人文多奇氣詩尤嶽奇歷落每對酒卽豪吟酒醒輒焚去人以畸士目之江南通志

王棠字勿翦歙縣人於書無所不讀隨讀隨筆遊於江淮間越所至有詩以寄其壘塊著有燕在閣詩文集百餘卷知新錄三十二卷歙縣志

張潮字山來歙縣人以歲貢官翰林孔目所輯有檀几叢書昭重修安徽通志卷三百二十五人物志文苑四徽州府志

代叢書虞初新志古文尤雅其所自著有心齋雜著奚囊寸錦詩文集十餘種歙縣志

汪薇字思白歙縣人康熙乙丑進士選庶常改戶部主事升部郎視學福建斷絕請託燬坊刻淫詞正人心術告歸閉戶讀書著有經概五卷詩倫二卷卒之日九郡人士聚而哭之肖像祀於道山福建通志歙縣志

程雲鵬字華仲歙縣人嘗匹馬塞外窮河源真其詩曰北征卷工宣夜之術著簡平儀又嘗作河務心書爲人所獲又所著有新安女行錄等書歙縣志

余光耿字介選婺源人康熙乙酉舉人記覽宏博絕口不言聲利著有一概堂集蓼花詞婺源縣志

潘第字仲高婺源庠生著有易經參微尙書講意正心錄述吉

錄等書婺源縣志

潘大京字南二婺源歲貢官來安訓導捐俸倡修學宮及明倫堂尊經閣性孝友親老遺疾祈天割股以救著有廣閣文集東岸草堂詩稿字類編韻諸書婺源縣志

王朝琬字二峯婺源人官繁昌教諭在官修學宮居家置義田崇祀鄉賢雍正戊午

旌表孝義建坊著有易經發蒙二峯文集婺源縣志

潘達尊字三若婺源廩生性孝父病禱神求代得愈著有五經性理綱目輯古名臣賢臣傳婺源縣志

王焯字不菴歙縣人博學多才上自天官地志以及兵機戰陣騎射擊刺之法靡不畢究所著有葛巾子內外集鴻逸堂稿歙縣志

重修安徽通志卷三百二十五人物志文苑五徽州府志

閔麟嗣字賓連歙縣人工詩文精書法纂黃山志七卷所著詩草三種施閏章魏禧爲序之後沈德潛尤賞其廬山一集歙縣志

潘殿昭字和叔婺源庠生甲寅寇亂糾合族人設方略爲守禦一村賴以保全所著有學庸大旨切韻了然歷代賦役總論黃河考等書婺源縣志

王作霖字雨臣婺源人官丹陽學博教人以孝弟爲先有某兄弟爭廬連訟十餘年召之與語愧沮而罷告歸士民生耐之名宦祠所著有彙纂四書詩易正宗及陶陶居文稿婺源縣志

潘繼高字駿孫婺源廩生性至孝親卒三年不御酒肉著有四書講義尙書薪傳近思續錄字學辨似藝遊詩稿婺源縣志

汪士鋐原名徵遠字栗亭歙縣人工詩古文詞康熙中

召對行在荷蒙

宏寶著有四顧山房集栗亭詩集

縣志

載有祺字丙章休甯人金山衛籍康熙戊辰會試中式辛未進士第一授翰林修撰以父艱歸繼丁母艱遂不復出築室荒村嘯歌自適嘗自言人如彭澤文似柳州書學北海詩幽曠悠達同放翁間者不以爲過著有文集尋樂齋詩集

休甯縣志

汪楫字舟次休甯人儀徵籍僑居江都以歲貢任贛榆訓導康熙十八年舉鴻博授翰林檢討充明史纂修官請仿宋李燾先撰長編由是史材皆備二十二年充封琉球正使宣布

威德君民感服厚有餽贈概不受其國爲建卻金亭歸撰使琉球錄中山沿革志以奉使稱職從優議敘出知河南府治績爲中州最耀福建按察使轉布政使以疾歸卒輯負詩名清冷奇峭以古爲宗著有悔齋正續集觀海集

休甯縣志

重修安徽通志卷三十五 人物志 文苑

六 徽州府

汪綽字玉林休甯人康熙丁丑進士第一授翰林修撰書法道勁詩文潛雅所著有秋影樓集

休甯縣志

程端祜字姬田休甯廬生淹貫經史文有奇氣詩特渾雅不求仕進惟以訪勝讀書刻畫山水搜輯文獻爲務所著有麟經集

義八卷飄風過耳集二十卷京華搜玉集三十二卷詩鈔八卷雜著八卷葵莊隱詩六卷又有黃山南徐紀游諸草

休甯縣志

黃之雋字石牧休甯人幼有神童之目康熙辛丑進士選庶常歷喬坊中允爲福建學政擅詭異敦行誼聞士爭自濯磨之雋

文辭高邁凡大禮鉅典所製文多稱

百善有唐堂集六十卷唐香屑集十八卷

休甯縣志

汪芳藻字藻洲休甯貢生教習期滿官江都知縣以事落職舉鴻博爲部駁不得試芳藻工四六少游京師出入吉水李醒齋

德清蔡方麓之門都下一時酬應之作皆出其手著有春暉樓集十餘卷

詞錄

唐慎微字輯五績溪歲貢淹貫羣書下筆數千言詩宗李太白蘇東坡自號東白子晚授崑山訓導不就著有南窗散集九十卷集數書十二卷東白詩集八卷

績溪縣志

葛士振字端卿績溪歲貢博極羣書尤精於易凡說易者擇七十餘家折衷傳義闡明先儒所未及詩古文詞皆卓然成一家言著有周易秘解四卷歲寒亭詩文稿

績溪縣志

江甯魁字梅臣婺源庠生善詩古文詞閱博雄奇兼秦漢六朝之勝詩險勁處尤似李長吉著有意構圖集蠅客軒集五經解意數十卷

婺源縣志

程嗣立字風衣歙縣人工詩文善書畫尤精句股遞甲兄子茂字導江爲文侍儻廉悍詩亦奇峭幽鬱著有吟暉樓古文晚甘

歙縣志

七 徽州府

程賜榮字天咫婺源庠生爲文宏博奧衍不名一體嘗與學者論詩謂王李生吞活剝汨人性情所著有詩巖集詞巖後集

婺源縣志

程功字次立黟縣歲貢官南陵訓導著述宏富有姓氏景行錄四十卷夢餘錄十卷天咫閣詩文集數十卷

黟縣志

孫光啟字石麟黟縣人豪宕嗜游爲文有奇氣詩尤嶽奇歷落嘗縱游吳越齊楚燕趙閒所至皆有詩歌輒棄去友人汪有光

招拾其散逸者爲漁山詩選

黟縣志

許尚遠字文羽黟縣人恬澹不樂仕進好博覽羣書工吟咏書畫皆學米襄陽晚號補峯因以名其詩集

黟縣志

畫皆學米襄陽晚號補峯因以名其詩集

胡清熙字思平績溪貢其學以致知力行爲本剖析義理不肯苟同著有四書注說參證一書又有尙書存真詩經積疑春秋兩端禮經辨誤及詩文集藏於家

曹學詩字以南歙縣人乾隆戊辰進士令麻城調崇陽皆有政聲以艱歸遂不出四方索碑銘傳記者無虛日著有經史通易

彙測及詩文集

項清字芸堂歙縣人乾隆辛巳進士授主事歷銓曹員外郎有聲移疾歸家居授徒三十年卒門人思之立項先生祠於其地著一幅集十二卷續編十二卷

鮑倚雲字薇省歙縣優貢年四十遂不起舉以經學授於鄉學者稱退餘先生敦行誼重然諾作詩歌古文辭皆有法其徒多

發科成名尤著者修撰金榜著有壽藤齋詩集三十五卷古文重修安徽通志

十卷詩賸五卷叢話尺牘若干卷倚雲博雅廉直講程朱踐履之學父善基有小巢壺集子嘉豐有卣堂集嘉命有願學齋集

以文學世其家

吳寬字饒符歙縣人乾隆丁丑

召試賜舉人授中書少工詞兼擅倚聲

內府雅樂多其手定充

玉璫纂修官及平定西域

方略館編纂出爲汀州同知卒與兄宁同著有蘭蕙林文鈔及切蓮

詞字字元侶以廩生

召試二等著有檻雜集

程晉芳字魚門歙縣人乾隆辛卯進士授吏部主事薦修四庫

書改編修其學無所不窺星經地志爾雅方言俱宣究根據著

有周易知旨尚書今文釋左傳翼疏神記集釋及勉行齋文十卷

汪啟淑字慎儀歙縣人官兵部郎中乾隆壬辰應

詔獻書五百餘種明年發回

賜古今圖書集成一部又於所進建康實錄錢塘遺事

賜題二詩後四年又

賜平定伊犁戰圖一冊五十二年又

賜小金川戰圖一冊時皆榮之所著有水曹清暇錄初菴詩存若干卷

又酷嗜金石文字輯有飛鴻堂印譜漢銅印叢諸集

吳珏字西玉歙縣人乾隆壬午解元癸未成進士候補內閣中

書著有釋水經注詩古文集及選輯古歙詩鈔

汪廷榜字自占歙縣人乾隆辛卯舉人官旌德訓導初讀書鍾

重修安徽通志

山從宣城梅鈔得句股法由是精通算學後官旌德訓士有方

歲饑陳民疾苦得賑嘉慶元年舉孝廉方正所著有仰山文集

十九年

恩准入祀鄉賢祠

朱青蓮字遠之婺源諸生鍵戶著述汎覽百家徵引故事務根

究其來歷著有鄉鄰津逮雅乘志餘諸書

程璠字廣麓歙縣人乾隆甲戌進士知嘉魚縣改鳳陽府教授

平生邃於易學采漢唐宋以來諸儒說易之尤粹者著易讀四

十卷又雜著續世說新語鄉鄰日錄續祭祀讀書隨筆及詩文

集若干卷

余松字冠山婺源歲貢以母老不起銓先是詩賦書畫多所旁

通後乃專心經義著有爾雅集注困學善行錄藏於家

此為試讀，需要完整PDF請訪問：www.ertongbook.com